

NAŠIM ČITAOCIMA!

Pošto su u našem preduzeću iznenada nastupile neke neočekivane tehničke smetnje, to smo prinudjeni, da za nekoliko dana znatno smanjimo obim „Beogradskih Novina“. Molimo svoje čitaoce da izvole uzeti u obzir ovu okolnost, kojoj treba tražiti uzrok u povećanim teškoćama oko nabavke potrebnih strova i naglom trošenju mašinskog materijala. Preduzeto je sve što je potrebno, da se „Beogradske Novine“, čiji je značaj još udvojen s obzirom na današnje znamenite događaje, u najkraćem roku opet pojave u dosadašnjem obliku.

Uredništvo
„BEOGRADSKIH NOVINA“.

Izveštaj austro-ugarskog glavnog stožera

Kb. Beč, 8. februara.

Nikakvih naročitih događaja.

Načelnik glavnog stožera,

„Bluff“

Tu skoro je vrlo razmetljivim tonom govorio o jednogodišnjem bilanšu poštrenog podmorničkog rata prvi lord engleskog admiraliteta sir Eric Geddes. U razgovoru sa predstavnicima štampе rekao je on ni više ni manje nego da je „sa podmornicom svršen“. Za tim je stao dokazivati, kako su svi izneseni brojevi i argumenti, kojima se jasno kao dan prikazuje sve veće opadanje svjetskog brodovlja, sve sama laž i opsjena, koju su, vell on, izmislili neprijatelji Velike Britanije, da time plaše engleski narod. Ne samo to, sir Eric Geddes došao je još i na pomisao, da poslije ove odbrane pređe u napad tvrdjenjem, da engleska flota uništava njemačke podmornice u isto onoliko brzomjermi, kojim ih njemačka brodogradilišta dopunjuju novim. Rekao je, da o tom potapljanju ne može iznijeti tačne brojeve, pošto je, vell, u interesu engleske politike, da se ti podaci drže u tajnosti. No za to je on istakao izvjesne momente, za koje smatra, da mogu potkrijepiti njegova tvrdjenja. Tako je govorio o popuštavanju otporne snage podmorničkih posada, a zaslugu za tu okolnost pripisao je sjajnim odbrambenim mjerama, što su ih ustanovili britanski pomorci.

Bilo bi zbilja izlišan trud, kada bi čovjek htio u pojednostima razmatrati ove laži engleskoga lorda i kada bi htio pobijati tvrdjenja, čiju netačnost svakodnevno na mnogo jasniji način dokazuje službena statistika potapljanja, koja govori mnogo rječitijim jezikom, nego dugačke rasprave i polemike. Mnogo je važnija konstatacija, do koje čovjek sam od sebe dolazi posmatrajući razvoj engleske ratne privrede, a koja pokazuje veliku razliku između stvarnosti s jedne i — blago rečeno — optimističkih navoda sir Geddesovih s druge strane. Na ime, samo nekoliko dana pošto je plemeniti lord rastrubio u svijet pomenuta svoja izvrtanja, odlučio je engleski ratni kabinet, da u što kraćem roku pristupi racijoniranju životnih namirnica. 31. januara izjavio je u gornjem domu lord Rhonda, da će do početka marta biti privedeno u djelo racijoniranje, što ga je on predvidio za London i još neke krajeve. Nekoliko dana poslije ove izjave rekao je britanski ministar poljoprivrede Prothero na jednom sastanku predstavnika svih poljoprivrednih udruženja, da će Engleska u toku idućih osam mjeseci proizvoditi kao narod i kao država najopasniji period u cijeloj svojoj istoriji. Rekao je dalje da cio narod više ne ikad mora da bude složan, pošto engleski državni brod sada ima da mimoidje nekoliko opasnih sprudova. Ako na tom državnom brodu, vell on, sve narodne snage ne budu bile ravnomjerno razdijeljene na veslima, Veliku Britaniju čeka nezapamćena katastrofa. Tako je na primjer utvrđeno na osnovu službenih podataka, da su zalihе u zobi, koja stoji na raspoloženju, po odbitku količina, koje se moraju zadržati za sjeme, taman dovoljne za ishranu stanovništva, tako da ne preostaje ništa za stočnu hranu. Dok su već i ovakva saopštenja veoma neprijatna za Engleze, dokazujući samim sobom u dovoljnoj mjeri, koliko sir Eric Geddes izvrće istinu, to ove konstatacije još bolje dopunjuju metode, kojima se engleski narod upućuje da šteti sa životnim namirnicama. Na sve se strane javno zvonilo na uzbunu, a po oglasnim stubovima i po londonskim zidovima izljepljeni su ogromni plakati, na kojima možete čitati, u kolikoj se nevojni nalazi zemlja. Jedan od novopostavljenih inspektora za narodnu štetnju, sir Arthur

Yapp, koji ne samo da ne šteti riječima, već stavlja u svoju službu sva sredstva, koja se samo mogu izmisliti, naredio je, da se na svima javnim mjestima njegove inspekcione oblasti istaknu slova „S O S“, poznati bežični signal, kojim brodovi javljaju, da su u najvećoj nuždi. Sir Yapp je taj signal usvojio kao ratni krik u borbi za namirnice i protumačio ga je ovako: „Save or starve“, što na našem jeziku znači: „Štedite ili umrite od gladi“.

S obzirom na takve pojave, koje su poznate cijeloj zemlji, a koje ni za neutralce više nijesu tajna, čovjek mora zbilja raspolagati priličnom dozom drskosti, pa da i dalje ostane onakav optimista, kao što je sir Geddes. Još davno prije no što je uvedeno prinudno racijoniranje životnih namirnica izvedeno je na isto tako energičan način racijoniranje brodovlja, koje stoji na raspoloženju; sama ta mjera dovoljno jasno pokazuje, kakve muke sada muči Engleska. Do duše, do sada sve to nije ometalo službene govornike, da i dalje drže govore pune hvalisanja, kojima misle postići željeno sredstvo — „bluff“.

Pregovori za mir

POLUSLUŽBENI NJEMAČKI GLAS O PREGOVORIMA.

(Naročiti brzojav „Beogradskih Novina“.)

Berlin, 8. februara.

„Norddeutsche Allgemeine Zeitung“ piše o pregovorima u Brest-Litovskom: Ne možemo sebi zamisliti još novih kompromisa. Što se Velike Rusije tiče, cijelo pitanje počiva na tome, hoće li Trocki sa svoje strane da vodi računa o pravednom i popustljivom savezničkom gledištu ili ne. Sa Ukrajinom pregovori se odlično razvijaju. Ako bi pošlo za rukom, da se sa Ukrajinom dodje do konačnog sporazuma, može nam biti potpuno ravnodušan ostali razvoj pregovora o miru.

MOGUĆNOST PRODUŽENJA RATA SA RUSIJOM.

(Naročiti brzojav „Beogradskih Novina“.)

Berlin, 8. februara.

„Vorwärts“ javlja, da će opet doći do rata sa Rusijom, ako Rusi ne pristanu na njemačke uslove od 27. januara. Njemački socijaliste odlučno odbijaju boljševičku spekulaciju s revolucijom u Njemačkoj.

(Naročiti brzojav „Beogradskih Novina“.)

Leipzig, 8. februara.

Socijaldemokratska „Freie Presse“ piše u vezi s jednim člankom „Pravde“ o pokretu njemačkih radnika: U sadanjoj ruskoj vladi ima desetina ljudi, koji dobro poznaju Njemačku. Od njih je prosti zločin, što ruska narod lažu tako glupom prevarom. Njemačka nije republika sovjeta, i ne će za vrijeme rata nikad biti. Boje bi bilo kad bi boljševici ozbiljno radili da dodju do jednog pametnog mira, nego li da spekulisu s međunarodnom revolucijom. Njihovo surovo nasilje protiv Finske, Ukrajine i svih graničnih naroda, kao i protiv svoje narodne skupštine, škodi socijalizmu više, nego li što mu njihovi govori koriste. Narođi hoće mir, a ne fraze. Niko u Njemačkoj ne želi, da ga usreća Trockijeva crvena garda.

Rascjep među boljševicima u mirovnom pitanju.

(Naročiti brzojav „Beogradskih Novina“.)

Zenova, 8. februara.

Petrogradski dopisnik „Times“ saznaje, da je u boljševičkoj vladi izbio rascjep u mirovnom pitanju. Samo sa jednim glasom većina Trockij je dobio ovlaštenje da se vrati u Brest-Litovsk i to pod uslovom, da na ništa ne pristane, dok brzojavnim putem ne pita ministarsku savjet.

Revolucija u Finskoj

Finska za pridruženje Njemačkoj.

Kb. Stockholm, 8. februara.

Predsjedniku finske republike Svinhuvudu, dostavljen je predlog, da se obustave napadi bijele garde protiv ruskih četa. U jednom razgovoru je predsjednik otvoreno priznao, da Finska teži za potpunim raskidom s Rusijom, da bi se pridružila Njemačkoj. Najzad je predsjednik potpisao obezvu, da se obustave neprijateljstva bijele garde protiv ruskih četa. Ali su ipak bijele garde napale brodarski stožer torpediskih brodova baltičke flote, koja se nalazi kod Wase. Brodska posada se povukla prema gradu Jörnburgu.

Ruski mornari povrijedili švedsku neutralnost.

Kb. Stockholm, 8. februara.

„Stockholm Dagbladet“ i „Aftonbladet“ traže obavještenja zbog uvrede nanijete švedskoj zastavi istragom, koju su izvršili ruski mornari i finske crvene garde na brodovima kod Maentylusta, i ako je bila razvijena ratna zastava. Nekoliko ličnosti, među njima državni arhivar Montelius i poslanik Hildebrand, objavili su poklič vladi, kojim mole za dozvolu, da mogu izvesti i provesti vagone za Finsku.

Hrvatski ban maršalu barunu Borojeviću

Kb. Zagreb, 8. februara.

Povodom imenovanja general-pukovnika baruna Borojevića za maršala poslao je hrvatski ban maršalu brzojavna čestitku, u kojoj se veli: Najvišim imenovanjem, kojim je naš najmilostiviji vladalac ponovo priznao one besmrtne zasluge, koje je Vaša Preuzvišenost stekla na polju slave u odbrani najvišeg prijestola i otadžbine, radosno će odjeknuti u našoj cijeloj hrvatskoj domovini. Naša se domovina ponosila Vašom Preuzvišenošću kao sa svojim, u ovom velikom vremenu najslavnijim i najzaslužnijim sinom, koji svojim slavnim djelima prinosi i sjajno zasvjedočava širom svijeta starostavno hrvatsko junštvo, vjernost i požrtvovanje. Na završetku je ban iskazao želju, da maršal barun Borojević u svoj vijenac slavne zadane još mnogi lovorov list.

Maršal barun Borojević je odgovorio brzojavom, kojim je iskreno zahvalio banu na čestitci i rekao, da se ponosi, što je hrvatski narod na brojnim bojištima svjetskog rata ponovo zasvjedočio najvećim žrtvama svoju vjernost i požrtvovanje prema najvišem vladalačkom domu. Osjeća se sretnim, što je i on doprinio da se proširi hrvatska slava.

Wilson nije vezan versalskim zaključcima

Kb. Bern, 8. februara.

Iz New-Yorka javlja listu „Progress de Lyon“, da versalski zaključci ni u koliko ne će vezati Wilsona, da i dalje vodi otvorenu politiku. Nije isključeno, da će on u zgodni čas neposredno odgovoriti središnjim vlastima.

Ukrajina i Rumunjska u zajedničkoj borbi protiv boljševika

(Naročiti brzojav „Beogradskih Novina“.)

Stockholm, 8. februara.

„Izvjestija“ javljaju: Petrogradska vlada narodnih komesara stekla je uvjerenje, da između ukrajinske središnje Rađe i rumunjske vojne uprave postoji sporazum o zajedničkim vojnim operacijama protiv boljševika.

Rumunji zauzeli Ismail.

Kb. Sofija, 8. februara.

„Izvjestija“ javljaju, da su Rumunji zauzeli Ismail.

Bltka u Odesi.

Kb. Petrograd, 8. februara.

Petrogradski brzojavni ured javlja: O događajima u Odesi se javlja: Noću 26. o. m. sovjet je uzeo u svoje ruke tvornice i zgrade, koje su njegove čete posjele. 26. i 29. januara trajale su borbe ukrajinskih četa s revolucionarnim radničima i mornarima. 29. je otpočela topnička borba, u kojoj su učestvovali i brodovi, koji su se nalazili u pristaništu. S večeri su ukrajinci molili za mir sa izjavom, da primaju uslove, koje smo mi postavili, a koje su ukrajinski radnici tačno izvršili. Ukrajinski časnici su nam predati.

Događaji u Rusiji

Rusko četo bez plate.

(Naročiti brzojav „Beogradskih Novina“.)

Kopenhagen, 8. februara.

„Utro Rossij“ javlja o odluci narodnih komesara, da se zbog nestašice novca ne izdaju plate četama.

Brusilov — uapšen.

(Naročiti brzojav „Beogradskih Novina“.)

Zenova, 8. februara.

Bivši generalisim Brusilov je uapšen po zapovijesti moskovskog sovjeta.

Pašić i Venizelos

(Naročiti brzojav „Beogradskih Novina“.)

Berlin, 8. februara.

Kako saznaje „Kölnische Zeitung“, sastao se ovih dana na Krfu Pašić i Venizelos radi dogovora po pitanju konačnog zbližavanja Italije, Srbije i Grčke.

Ostavka austrijske vlade nije prihvaćena

Kb. Beč, 8. februara.

Njegovo Veličanstvo uputilo je ministru predsjedniku, dru pl. Seidleru ručno pismo, u kome naglašava, da kabinet uživa potpuno povjerenje, te pošto želi, da ministarstvo ostane na upravi, ne prima ostavku.

Nesavladivost Njemačke

Bivši poslanik Gerard o bajki izgledanja Njemačke.

(Naročiti brzojav „Beogradskih Novina“.)

Haag, 8. februara.

Iz New-Yorka javljaju: Bivši poslanik u Njemačkoj Gerard je u jednoj velikoj skupštini izjavio, da on sumnja u istinitost vijesti, da se radnički štrajk u Njemačkoj širi. Po njegovom mišljenju nema izgleda, da će se Njemačka zamoriti gladju. Tako isto smatra on za nevjerovatno, da će se rat okončati unutarnjom revolucijom u Njemačkoj.

Raspuštanje grčke komore

(Naročiti brzojav „Beogradskih Novina“.)

Haag, 8. februara.

Listovima se iz Atene javlja, da se pobunio jedan dio pješackog puka u Lamina i 68 ljudi jednog topničkog puka. Časnici nisu udeštovali u pobuni. Komora, koja je sazvana za srijedu, raspuštena je prije sastanka. Uzrok se tome nalazi u držanju grupa, koje su prema vladi neprijateljski raspoložene, a koje bi s pogledom na nemire u Ateini i Lemnu svojim ponašanjem u komori usporila mobilizaciju.

Podmornički rat

Podmornice će ubrzati okončanje rata.

Kb. Berlin, 8. februara.

U „Norddeutsche Allgemeine Zeitung“ raspravlja se o pitanju ishrane u Engleskoj. Utvrdivši, da zvanične izvještaje i izvodi u engleskoj štampi obilaze istinu, naglašava list: Podmornički rat se sađa tako jako osjeća u Engleskoj, da se čak i tamone može osporiti njegov odlučan upliv na dovršavanje rata. Najbolji dokaz daje za to sada zaključeno prisilno racijoniranje.

NOVA POTAPLANJA.

Kb. Berlin, 8. februara.

U zapadnom dijelu Sredozemnog mora uništile su naše podmornice 26.000 bruto registrovanih tona brodskog prostora. Ovim gubitkom teško je pogodjen saobraćaj sa Francuskom i Italijom.

Načelnik admiralskog stožera mornarice.

TORPEDOVAN VELIKI BROD SA AMERIČKIM TRUPAMA.

Kb. London, 8. februara.

Noću u oči 5. februara torpedovan je u blizini irske obale brod „Tusitania“ (14.248 tona), na kojemu je bilo američkih trupa.

Najnovije brz. vijesti

Koliko je dosada Amerika predujnila svojim saveznicima.

Kb. Amsterdam, 8. februara.

Kako „Allgemeen Handelsblad“ saznaje, iznose predujmovi, koje su Sjedinjene Države dale Engleskoj do 1917. 245. Francuskoj 1285, Italiji 500, Rusiji 325, Belgiji 77 i Srbiji 4 milijuna funti šterlinga.

Zvanične objave

OBJAVA.

Ovim se pozivaju svi poreski obveznici u Beogradu, koji još nisu razrezani porezu za 1916. i 1917. godinu isplatili, da do 15. marta ove godine isplate blagajnici u Knez Mihajlovoj ulici broj 47.

Ako se do odredjenog roka poreza ne plati, izvršiće se naplata poreza od poreskih obveznika eksekutivnim putem. C. i k. okružno zapovjedništvo Beograd-grad.

I Kitaj protiv Rusije

(Naročiti brzojav „Beogradskih Novina“.)

Berlin, 8. februara.

Kako „Vossische Zeitung“ saznaje „prije su kitajske trupe do pred Blagovještensk, glavni grad rusko-sibirskih amurskih pokrajina.

Grad i okolica

Rimo-katoličko bogoslužje.

10. februara: I. U Konaku u 8 sati jutru sv. misa za vojnike a njemačkom i češkom propovijedi. U 10 sati talijanska propovijed i sveta misa za talijanske ratne zarobljenike. II. U župnoj crkvi u 8 sati jutru sveta misa za školsku djecu. U 10 sati prije podne hrvatsko-srpska propovijed i velika sv. misa. U 3 sata poslije podne litanije. Preko nedjelje počinje prva sv. misa u 6 i po sati, a druga u 7 i po sati.

Evangeličko bogoslužje.

U nedjelju jutru, 10. februara, održaće se u evangeličkoj crkvi (Vuka Karadžića ul. br. 9) u 9 sati mađarsko, a u 10 sati njemačko bogoslužje.

Parastos kralju Milanu.

U ponedjeljak 11. februara (29. januara p. st.) održaće se parastos kralju Milanu. Ovak pomen učiniće srodnici u crkvi svetog Evangelista Marka, u 11 sati prije podne.

Nastavak podlistka.

Zbog smanjenog obima našega lista ne može se donijeti nastavak podlistka „Iz uspomene jedne gospođe“. Čim „Beogradske Novine“ počnu i opet izlaziti u dosadašnjem obimu, produžićemo, razumije se, i taj podlistak.

Umrla.

Marija — Marina — udova, supruga počivšeg Dimitrija Karagunovića, carinskog činovnika premijula je u Beogradu 4. a sahranjena 5. februara ove godine.

I. popularni koncert.

Večeras u 8.30 sati uvede održaće se u pozorišnoj dvorani mjesne etapne menaže („Kasina“) objavljena popularni koncert, čiji smo raspored u našem listu već objavili.

Nepodignute novčane pošiljke.

Upozoravamo na četvrtu stranu našega današnjega broja gdje se nalaze imena onih lica, koja se imaju prijaviti reklamacijom odjeljenju c. kr. Wiener Bank-Vereina, ekspozičura u Beogradu, bilo lično sa potrebitim legitimacijama bilo pismeno, da podignu nepodignute novce, koji je stigao posredovanjem srpskoga crvenoga krsta u Zenevi.

Šećer.

Sve prodavnice životnih namirnica opštine grada Beograda otpočele su od danas prodaju šećera za mjesec februar.

Šećer se i sada daje na osnovu kuponja za šećer i staje po kilogramu 4.50 kruna.

Zlostavljana djevojka.

Juče je u hirurško odjeljenje gradjanske bolnice u Beogradu donijeta 14-guberevaca, sela beogradskog okruga, četrnaestogodišnja djevojka Katarina Milčić, kojoj je jedan od njenih susjeda zlostavljanjem nanio povrede po glavi, od kojih je najveća udarom drveta po lijevoj slijepočnici. Taj grubi seljak, u zavadi sa zadrugom Katarinom, iskoristio je priliku i, našavši van doma djevojke samo, zadovoljio je osvetu zlostavljanjem. Tamošnje redarstvo pritvorilo je krivca, pa će on biti kažnjen.

Vijesti iz Hrvatske

† Dr. Bogoljub Kernić.

5. o. m. umro je od kaplje u Zagrebu docent hrvatskog sveučilišta, profesor dr. Bogoljub Kernić. Kao natporučnik službovao je pokojnik i u okupiranoj teritoriji Srbije, dok ga hrvatska vlada nije reklamirala. Na hrvatskom je sveučilištu predavao modernu istoriju. Poznat je i uvažen i u književnim krugovima. Još kao djak 6. gimnazije izdavao je prvi hektografirani list pod naslovom „Zimzelen“. U njemu je najviše sam saradivao. Inače je na univerzitetu pustio samu književnu produkciju, pa se obratio znanstvenom radu najprije u manjim, a onda većim radnjama slijedeći stope svoga profesora Vjekoslava Klaića. Pokojnik Kernić bio je i oduševljen ljubitelj glazbe, pa je, raspolažući sa ugodnim životnim baritonom, u više maha naročito u svečanim prilikama, istupio i kao pjevač na pozornici.



Ližepé grudi, lice, vrat i ruke ne dobiju svoje izrazite ljepote bez Diana Alabaster pudera i Diana Crème.

MALI OGLASI: Primaju se: Knez Mihailo ul. 38.

ZUBNI-ATELJE J. SIDVERCA. DIPLOMIRANI DENTIST. Beograd, Kraj Milana ul. 57.

Pouzdana dvorkinja može dobiti mjesto od 15. ovog mjeseca kod bračnoga para bez djece.

Truže se dva okretna dječaka, koji i njemački govore, za knjižaru na stanici.

Truži se čestita žena za sav kućevni posao i djevojka za djecu.

Truži se služavka mladića za sav kućevni posao kod 2 osobe.

Truži se lijepo namještena soba, po mogućnosti sa električnim osvjetljenjem i u srednji varoši.

Na prodaju jedan par novog neobučenog muškog odjela i jedan sako kaput i prsluk.

Jevitino se prodaje lamno plovak cheviot kostim gotovo nov, za visoku tankostu gospodju.

Kupio bih kuću od dobrog materijala, sa većim prostorijama, uglednu i na lijepom mjestu.

Ženske cipele plike i duboke, odlične, predajni materijal, br. 34-38.

Kupujem sve porušene zgrade, koje se mogu opraviti, i kupujem materijal od porušenih zgrada.

Supun za rublje domaći, odličan za pranje. Stigla je nova partija, a prodajem i na manje količine uz jeftine cijene.

Apotekarskog pomoćnika ili starijeg praktikanta potrebuje Apoteka M. Viktorovića Beograd - Terazije.

STOVARISŤE SOBNOG NAMJEŠTAJA WILLI O. FELDMANN. Radnja je snabdjevena najsolidnijim namještajem.

C. k. povl. osiguravajuće društvo „Assicurazioni Generali“ daje ovim na znanje da njezin ravnatelj gosp. Robert Neuberg za vrijeme u Beogradu boravi.

Ana M. Novaković, časovničar, Beograd, Balkanska ul. 32, dobila je svu furnituru i alata za časovničare, poručbne prima i izvršuje odmah.

KORESPONDENCIJA. Jovanu Premoviću, Case 3545, M. B. Geneva. Moj muž Ljubomir Miladinović, iz Starog Adžibegovca, čuvar osudbenika kažnjelog zavoda topičarskog, otišao je kao pratilac blažene Narodne Banke.

Jovanu Premoviću, Geneva. Molim, dostavite mome mužu Vladi Krsmanoviću, sljedeće: Tvoju kartu sam primila, koja me je veoma obradovala, u kojoj mi javljaš, da si živ.

Jovanu Premoviću, Geneva. Molim dole podpisana, poručite da dobije davno očekivanu platu svog muža Budimira Vukadinovića, zarobljenog na Mačkovom Kamenu.

Mome dobrom i nezaboravljenom suprugu Dimitriju T. Kandiću trg. iz Požege, davaću trogodišnji pomen 12. februara ove god. u 10 sati prije podne u požeškoj crkvi.

Porodica Sekulića javlja svojim rođnicima i poznanicima, da će svom milom i nikad nezaboravljenom, suprugu, ocu, bratu i deveru Ivanu M. Sekuliću biv. trgovcu i ser. potporučiku, činiti trogodišnji pomen u ponedjeljak 11. februara u 10 1/2 sati prije podne u crkvi sv. Marka na Starom groblju.

Našim dobrim roditeljima Sofiji i Branku Ž. Jekremoviću, industrijalcu, davaćemo šestomjesečni i sedmogodišnji pomen 12. februara na Tri-Jerarcha u 10 sati prije podne u staroj smederevskoj crkvi.

Našoj dobroj Savki udovi pok. Nikole K. Šabekidesa, juvelira i sajdžije ovdješnjeg, davaćemo četrdesetodnevni pomen u utorak 12. februara ove godine u 10 sati prije podne na grobnjenom broj 280, parcela 35.

Jelena Živanović, davaće trogodišnji pomen 11. februara u 11 sati prije podne u kragujevačkoj Novoj crkvi svojoj sestri Dragi Djordjević bivšoj upraviteljici sveučilišta žen. radova. Ožalošćeni: kći Leposava; sestre: Jelena i Marica.

Jelena Djordjević, davala je trogodišnji parastos u četvrtak 7. februara u 10 sati na kragujevačkom groblju svom jedinom i nikad neprežaljenom bratu Dragomiru Dimitrijeviću trgovcu iz Donj. Milanovca. Ožalošćeni: otac Jovan Dimitrijević iz Donj. Milanovca, majka Natalija; sestre: Jelena, Vukosava i Slavka i sin Jovan.

K. K. PRIV. WIENER BANK VEREIN EKSPozITURA BEOGRAD

poziva radi primanja novca poslatog posredovanjem srpskog crvenog krsta iz Zeneve niže imenovana lica, koja se imaju prijaviti našem naročito organizovanom reklamacionom odeljenju, bilo lično sa potrebnim legitimacijama bilo pismeno s pozivom na publikovani redni broj označenog pored imena.

Table with columns: Broj, I M E, Bliza adresa, Iznos. Lists names and amounts for various contributors.

Iz unutrašnjosti:

Table with columns: Broj, I M E, Mesto, Iznos. Lists names and amounts for contributors from various regions.